

# جَزَائِدُ مَحَاكِمَتِ

جمعه ایرتسی

نومرو	صفحه	سنه	عزیران	سنه	صحیفه
۱۰۳۵	۱۴	۱۳۱۷	۱۲	۱۳۱۵	۱۴۸۷۷

( ابو غزنه بهر هفته جمعه ایرتسی کونلری هیقار . منلکی در سعادت ایچونه مجیدیه بکرمی غروسه )  
 ( مساید التمه غروسه . طره کر ایچونه اوله بسه غروسه یوسنه اجرتی ضم اولنور . بهر )  
 ( نسوسی بن مجیدیه بکرمی غروسه اولوه اوزره یوزیاره به هر برده صانیور . درج اوله یوه اعلاماتک )  
 ( هر برده بر مجیدیه اضرا اولنور . منلکه مشتری اولوه امتیاز عدلیه نظارتی دایره مندره لایحه صریده )  
 ( محاکم اداره مندره مراجعت ابله بیدر . )

## قسم غیر رسمی

کوردملکه استدعای مذکور بالقبول اعلام  
 معترض فیهک شامل اولدینی مرور زمان  
 قرارینک دایره مندره بوره ده تدقیقات تمیزیه سنه  
 مبادرت واوراق متفرعه سیله قرائت اولندی

اعلام انف الیایک مالی مومی الیه دده بکک  
 منتقلاً ومستقلاً متصرف اولدینی کورینل  
 قریه سنده واقع برباب دکر منه عباس افندی ایله  
 مرقومان طرفلرندن فضولی وقوعبولان  
 مداخله نیک مع اجرای موقت منعی حقننده

دده بک ایله بینلرنده متحدت دعوایه دایره  
 اینه استیناف محکمه سندن صادر اولان ۲۴ شباط  
 سنه ۳۱۳ تاریخلی اعلامک تمیزینی مستدعی  
 بیاس قضاسنک کورینل قریه سنده ساکن حسین دده  
 وحیده خاتونک مشترکاً اعطا ایتدکلری عرضحال  
 ومتفرعاتی محکمه تمیز استدعا دایره سندن  
 لدی التدقیق مدت وشروط قانونیه سنه موافق

اولدقن صکره دعواده مرور زمان اولدیغه  
واساس ماده نك بالتدقیق مذکور دکرمن مدعی  
دده بکک مستقلاً ملکی اولدیغی تحققت ایتمکله  
مرقومانک منع معارضه سنه حکمدن واشبو حکم  
علمنه مستدعیلرک اعطا ایلدکلری لایحه ده  
مسطور اولان اعتراضاتک مؤداسی مرور زمان  
قراری مغایر قانون اولدیغندن بحثله اعلامک  
نقضی ومیز علیک ویردیگی لایحه ده کی نتیجه  
اجوبه سی دخی غیر وارد اولان اعتراضاتک  
ردیله موافق قانون بولسان اعلامک تصدیقی  
استدعاسندن عبارت بولمشدر

ایجابی لدی المذاکره اعلام مترض فیه  
مؤداسندن مستبان اولدیغی وجهها دعوا ی  
واقعه دن طولای اول و آخر در میان اولان مرور  
زمان اعتراضی بدایه واستینافاً ردایدلشر و محکمه  
تمیزدن بوبابده مقدا صادر اولان اعلام دخی  
اشنای اجرای محاکمه ده اراضی مأمورن حاضر  
بولندیرلماش و ذی الید بینه سی استماع قلمماش  
اولسندن طولای نقض واعاده اولمغله بوکره  
مذکوره بوکره اکیال اولمش ایدوکنن بحثله  
دعوا ی واقعه ده کافی السابق مرور زمان  
اولدیغه قرار ویرلش ایسه ده ذی الید ثبوتی  
واراضی مأمورینک اشنای محاکمه ده حاضر

اقامه ایتمدیگی دعوا یه قارشو مرقومونک تصرف  
مدعاسنی انکار ایله برابر مدعا یه دکره نی تفرغاً  
ومرور زمان ایله کندولری متصرف اولدیغی  
کبی اوچیوز یدی سنه سی مارتنده دخی منازع فیه  
دکرمنی مدعی دده بکک کندولرندن شرایه  
طالب اولدیغه دأر سرد ایلدکلری دفع دعوی  
حقتده انکار واقعه مقارن اقامه ایلدکلری شهودک  
دعوا یه موافق ادای شهادت ایده مدکلری کبی  
مدعی دده بکک تحلیفه دخی طالب اولدقلرینه  
ومدعا یه دکرمنی مدعی مورثی مصطفی پاشا  
دکرمنی دیمکله عزیزف اولدیغی استماع ایدیلان  
تواتر شاهدلریله مثبت اولسنه ومدعی دده بک  
عالمه سیله باراده سنیه منفی بولسنه مبنی در میان  
ایدیلان شرا ومرور زمان اعتراضاتک ردینه  
متدأر صادر اولان اعلام استینافی مقدا  
محکمه تمیز استدعا دائره سننده بالتدقیق اراضی  
مأمورینک اشنای رؤیت دعوا ده حاضر  
بولندیرلماشندن و ذی الید بینه سی استماع قلمماش  
اولسندن طولای نقض واعاده اولمغله بوکره  
تکرار جریان ایدن محاکمه وتدقیقات استینافی  
نتیجه سننده تمیزک بروجه مشروح قرارینه توفیقاً  
اشنای رؤیت دعوا ده اراضی مأموری حاضر  
بولندیر یله رق ید مسئله سی بالینه العاده ثابت

بولندیرلسی کبی اصول طرفینک تشکیل  
وخصومتک تعیینه متعلق اولمق حسیله دعوانک  
استداسنده اجرا اولنه جق معاملاتن اولسنه  
نظراً معاملات مذکوره نك عدم اجرا سندن  
طولای بر اعلامک عند التمییز نقضی حالنده  
موجب نقض اولان خطانک وقوعندن صکره  
اتخاذ ایدلش اولان قرارلر امضا ایله طرفینک  
بعد المواجهه اکیال مصححت اولنسی و دعوانک  
بدایت رؤیتده ظهور ایدن خطادن طولای اعلام  
تمامیله نقض اولدیغی حالده دعوانک یکیدن  
رؤیت وحکم ایدلسی اصول محاکمه حقوقیه  
قانوننک ایکوز قرق دردیجی ماده سی حکمی  
اقتضاسندن اولسنه ونقاط منقوضه ایسه یوقاریده  
ذکر اولدیغی وجهله تشکیل طرفین وتوجه  
خصومه متدأر اولوب دعوانک بدایتده ظهور  
ایتمش خطیاندن بولسنه مبنی ماده مذکوره  
حکمه توفیقاً اسباب نقضیه دن اولان نواقصک  
اکلیله برابر شامل اولدیغی ماده مدعا یهانک  
یکدن بالتدقیق تبیین ایده جک حاله کوره مرور  
زمان حقتده اعطای قرار اولنسی امور لازمهدن  
ایکن استینافاً بوجهتدن ذهول ایدلسی مخالف  
قانون اولدیغی کبی مدعی دده بکک بروجه  
مشروح تصرف دعوا سنک ثبوت حسیله خصملری

مرقومانه سؤال توجه ایتمک ایچون تصرفک  
سند خاقانی یه مستند اولوب اولدیغی تدقیق  
وسند اولدیغی صورتده ابراز ایتدیر یله رک  
مواجهه طرفینده قرائت اولنماش اولسی دخی  
یولسز بولندیغندن قانون مزبورک ایکوز اوتوز  
ایکنجی ماده سی موجبجه نواقص مذکوره دن  
طولای ذکر اولسان اعلامک نقضیه کیفیتک  
قانون دائره سننده یکیدن بالتدقیق اعلامه ربطی  
ضمننده محکمه استینافییه اعاده سنه وزیرده  
مفرداتی مرقم ایکوز یکرمی درت غروش اون  
پاره مصارف تمیزیه نك ایلروده حقسنر چیقه جق  
طرفه عاند اولمق اوزره اول امرده مستدعیلردن  
التمسنه ۸ مایس سنه ۳۱۵ تاریخنده متفقاً قرار  
ویرلدی .

مناسرت بدایت محکمه سندن ۱۴ ایلول سنه  
۳۰۹ تاریخنی واللی سکزر عددی ایله ویریلان  
اعلامک تمیزیغی استدعا ایتمش اولان مناسرتده  
تابع رسنه قصبه سی اهالیسندن ملا محمد اغازاده  
یوسف افندی یوم معینده دائره یه کلش ایسه ده تمیز علیه

ماله خزينه جليله سي جانبدن بروكيل اعزاز  
وارسال قلمديندن يالكز مستدعي مومي اليهك  
ايضاحات شفاهيه سي ايله باش مدعي عمومي  
معاونرندن عزتلو رجائي بكك مطالعه سي  
الندقدن صكره تدقيقات تميزيه اجراسنه ابتدار  
اولندي

اعلام مذكورك خلاصه مالى مومي اليه  
يوسف افندي ايله ماله خزينه جليله سي بينده  
محدث دعوايه دائر مناسرت بدايه محكمه سندن  
غياباً صادر اولان اعلام عليهنده مومي اليه  
يوسف افندي طرفندن اعتراض على الحكم عرضحالي  
اعطا ويوم معينده نامزاج اولديغنى مابين برقطعه  
زاپور اسرا اولمش ايسهده معترض مومي اليهك  
مذكور راپورده كوستريلان خسته لغتك  
محكمه يه كلكه مانع اولور درجه ده اولديغنى  
بلديه طبيبي طرفندن زيرينه يازيلان شرحه  
نابت اولوب شو حالده معترض مومي اليهك  
معذرت واقعه سي اسباب مقبوله دن اولديغنه بناء  
اصول محاكمه حقوقيه قانونيك بوزاللى طقوزنجي  
ماده سي موجبجه مذكور اعتراض على الحكم  
عرضحالك ردينه حكمدن ومستدعي تميز يوسف  
افديتك اشبو حكم عليهنده كي اعتراضاتك

باشلوجه سي كندوسى اعتراض على الحكم  
محاكمه سي ايچون تعيين قلنان كورده خسته  
اولديغنى راپور محكمه يه بيلديرمش ايكن اعتراض  
عرضحالك ردينه قرار ويرلسى مياير قانون  
اولديغندن بختله اعلامك نقضى استدعاستندن  
وميز عليه خزينه مشار اليها نامه حكومت محليه  
وكيلى طرفندن ويريلان لايحه جوابه نك مالى  
اعتراض مذكورك واهى وبى اساس اولديغنى  
بيانيه ردى وموافق قانون اولان اعلامك  
تصديقي طلبندن ومعاون مومي اليهك مطالعه سي  
دخى معترض مومي اليهك معذرت واقعه سي طبيب  
راپورتوسى مالىله متحقق اولديغنى حالده برمنوال  
محرر رد استدعايه قرار ويرلسى مغير قانون  
اولديغنى بيانندن عبارت بولمشدر

ايجابي مذاكره اولندقه اعلام مذكور  
مندرجانندن منضم اولديغنه كوره غيااً محكوم  
عليه اولان مومي اليه يوسف افديتك اولابده كي  
اعلام غيابي عليهنده اعتراض على الحكم عرضحالي  
اعطا ايديكي حالده يوم معينده محكمه يه كلمسندن  
طولاي اعتراض استدعاستنك ردينه قرار يرلمش  
ايسهده معترض مومي اليهك يوم مذكورده خسته  
اولديغنى مشعر برقطعه طبيب راپورى محكمه يه  
ارسال ايتمش اولسنه كوره بلديه طبيبك مذكور

راپورده بيان اولنان خسته لق معترضك محكمه يه  
كسنه مانع اوله ميه جفنى بيان ايتمش اوزرينه  
محكمه يه معترض مومي اليهك محكمه يه كله بيلوب  
كلابه چكي حقهده بعد المعايينه طبيدن راپور  
الترق اكا كوره معترض مومي اليهك معذرت  
واقعه سنك اسباب مقبوله دن اولوب اولديغتك  
تدقيق لازم كلوركن سالف الذكر بلديه طبيبك  
بلامعاينه مذكور راپور زيرينه يازديغنى شرحه  
استناداً معترض مومي اليهك معذرت مذكورده سنك  
اسباب مقبوله دن اولديغنى بيانيه اعتراض  
عرضحالك ردينه قرار ويرلسى بولمش اولديغنى  
كي بمقبوله اعتراض اوزرينه ويريلان اعلامه  
اعلام غيابي اولك عينا وياخود مال واسباب  
حكم اكلاشيله جق صورته خلاصه رديج وتتميقى  
لازم كلوركن بوجهته دخى رعايت اولنمامسى  
قانونه مغير ومستدعي تميز يوسف افديتك  
اعتراضيه معاون مومي اليهك مطالعه سي موافق  
نفس الامر اولديغنه بناء اصول محاكمه حقوقيه  
قانونيك ايكيوز اوتوز ايكنجه وايكيوز قرق  
برنجي ماده لرى موجبجه اعلام مذكورك نفضيله  
قانون مذكورك ايكيوز قرق درديجى ماده سي  
حكمنه توفيقاً كيفيتك يكدن بالرويه اعلامه ربطى  
ضمنده محكمه مذكورده به اعاده سنه وزبرده

مفرداتى محرر درتيوز طقوز بجق فروش  
مصارف تميزيه نك ايلروده حقسنر چيقه جق  
طرفه رجوع ايتك اوزره اول امرده مستدعي  
مومي اليهك السنه ۲۲ مائس سنه ۳۱۰  
تاريخنده متفقاً قرار ويريله رك تفهيم قلندي .

محكمه استيناف حقوق قسندن ۵ شباط  
سنه ۳۰۹ تاريخى وايكيوز بكرمى يدى عددى ايله  
صادر اولان اعلامك تميزي درسعادت صو  
شركتى وكىلى مریم قولى افندي استدعا ايلديكي  
حالده يوم معينده دائره به كليوب ميز عليها قومقبو  
جوارنده قزغانى سعدي محله سنده قنابه جى  
زقاغنده يدى نومرولى خانه ده ساكنه متوفى  
مراد بك زوجه سي عايشه منيره خانمك ورود  
ايتمش اولمسيله ايضاحات شفاهيه سييله باش مدعي  
عمومي معاونرندن سعادتلو بورغاكى افديتك  
مطالعه سي استماع قلندقدن صكره تدقيقات تميزيه  
اجراسنه ابتدار اولندي

اعلام مذكورك خلاصه مالى مزبورده

عایشه منیره خانمك بك اوغلنده فری کوبنده معلوم الحدود متصرفه اولدینی اون بیک اون بر ذراع صرف ملك باغچه محلندن بشیوز یتیمش اوج ذراع محله تر قوس صو شرکتی طرفندن فضولی دیو انشا ایدلمش اولدیغندن بحثله مذکور دپونك قلع ورفعیله محل مذکورك طرفنه تسلیمی ویاخود قیمت حاضره سنك تحصیلیه شرکت مذکوره نك استملاکه مجبور طوئلسنی طلب و دعوی و محل مذکوره صورت تصرفی ناطق بر قطعه سند ابراز و اعطا ایتسنه قارشو شرکت مذکوره وکیلنك منازع فیه محلك صو شرکتی طرفندن مرحوم حافظ بهرام اغادن تفرغ ایدلمش اولدینی جهتله مرحوم مشار الیه ترکه سنك من جهت الولا عائد بولندیغنی خزینة خاصه شاهانه نظارتنك داخل دعوی اولسی حقدنه کی مدافعه سنك رد ایدلسی اوزرینه وکیل مومی الیهك مجاوبه دن وقوعبولان امتناعه منی وکیل مسخر حضوریه غیاباً جریان ایدن محاکات و تدقیقات نتیجه سنده منازع فیه بشیوز یتیمش اوج ذراع محلك بهر ذراعنك ایکیشر مجیدیه دن بالحساب بالغ اولدینی یکر می ایکینک طقوز یوز یکر می غروشك شرکت مذکوره دن بالتحصیل مدعیه اعطاسنه دائر بدایة ویریلان اعلام غیابینك استیناقاً نظارت مشار الیهانك داخل دعوی اولسنه لزوم قانونی بولمیدیغنه دائر اولان فقره حکمیه سنك بالتصدیق الحق اولبایدکی قرار ابتداینك اعلام شکلنده تبلیغ و اعطاسی حقدنه شرکت مذکوره جانبندن وقوعبولان طلبك رد اولمسندن و منازع فیه محلك اهل خبره معرفتیه قیمتی تقدیر ایتدیر لمامسنندن طولایی فسخیله اولا غیاباً و مؤخرآ اعتراض علی الحکم اوزرینه و جاهاً سبق ایدن محاکات و تدقیقات نتیجه سنده مستأنف بولنان شرکت مذکوره وکیل منازع فیه محلی مزبوره عایشه خانمك زوجی و صاحب اولی متوفی مراد بکدن ده اول مرحوم مشار الیه حافظ بهرام اغاد تفرغ ایتیمش اولدیغنی ادعا یتیمش ایسه ده اخیراً بوبایدکی ادعاسنی اثبات ضمننده شاهد اقامه سنده صرف نظره نظارت مشار الیهایه حق مراعاتی باقی قالمق اوزره محل منازع فیهك تقدیر و له حق قیمتی اعطایه موافقت ایتسنه منی محل منازع فیهك تقدیر قیمتی ضمننده انتخاب و تعیین اولنان نائب و اهل خبره معرفتیه کشفی بعد الامرا بهر ذراعنك یوم غصبه کی قیمتی اوزر غرشدن عبارت اولدینی اکلالمش اولدیغندن مجموع قیمتی اولان بشیوز اوتوز غروشك

شرکت مذکوره دن تحصیلیه مزبوره عایشه خانمه اعطاسنه دائر تنظیم و اعطا قلنان اعلامك قیماً بالتدقیق مزبوره عایشه خانمك خلاصه ادعاسی متصرفه اولدینی معلوم المقدار عرصه سنك بشیوز یتیمش اوج ذراع محله شرکت مذکوره جانبندن فضولی انشا اولنان دپونك قلع ورفعی ویاخود محل مذکورك استملاکی طلبندن عبارت اولسنه منی عند الاستیناف کیفیتك محله نك طقوز یوز التجی ماده سنك فقره ثالثه سی حکمنه توفیق معامله اولنسی لازم کلور ایکن بویولده اجرای تدقیقات اولنمامسنندن ناشی تقضنه قرار ویرلسی اوزرینه بتکرار جریان ایدن تدقیقات استینافیله نتیجه سنده منازع فیه عرصه یه صو شرکتی طرفندن انشا اولنان دپونك قیمتی ارضك قیمتدن بك چوق زیاده ایدوکی و مذکور عرصه نك بهر ذراع معماری سنك یکر می بش غروش قیمتی بولندیغنی جانب محکمه دن تعیین قلنان نائب و اهل خبره طرفلرندن اجرا قلنان کشف و تحقیقاتله اکلالمش اولدیغندن شرکت مذکوره طرفندن غصب اولناب سالف الذکر بشیوز یتیمش اوج ذراع عرصه نك محله نك طقوز یوز التجی ماده سی موجبجه بهر ذراعنك یکر می بشر غروشدن قیمتی اولان اون درتیک

اوچیوز یکر می بش غروشك شرکت مذکوره دن تحصیلیه مزبوره عایشه خانمه اعطاسنه حکمدن و مستدعی تمیز شرکت مذکوره وکیل مریم قولی افندیك اشبو حکم علیهنده لایحه سنده محرر اعتراضاتك خلاصه سی حکم استینافی اخیرك مستند الیهی اولان محله نك طقوز یوز التجی ماده سی حکم سابق استینافی به اساس اتخاذ اولنان سکنز یوز طقسان برنجی ماده سی حکمنه مغایر اولدیغنی و قرار اول استینافینك تمیزاً تقضنده ایسه یالکنز ذکر اولنان طقوز یوز التجی ماده حکمنه توفیق معامله اولنسی لزومی کوستر لیدیکی حالده محکمه استینافیجه ماده مذکوره حکمنه یا کلش معنی ویریله رک قرار سابقدن رجوع اولنسی و تعیین قلنان اهل خبره نك باشلوجه وظیفه لری انشا قلنان دپونك قیمتی تقدیردن عبارت اوله رق ارضك قیمتی تقدیره صلاحیتلری اولمامغله برابر کندولرینك بو خصوصده یعنی قیمت اراضی حقدنه معلومات حاصل وارباب و قوفه دخی مراجعت ایتمکسزین تقدیر ایتیمش اولدقلری قیمت اوزرینه حکم ویرلسی و عند المحاکمه بوجهتلر دن طولایی اهل خبره حقدنه وقوعبولان اعتراضك نظر دفته النامسی مغایر قانون اولدیغندن بحثله اعلامك

تقاضی و میز علیها عایشه منیره خانمک نتیجه جوانی  
اعتراضات واقعه نك واهی اولدینی بیانیه ردی  
و موافق اصول و قانون اولان اعلامك تصدیقی  
طلبیدن و معاون مومی الیهك دخی مقدا محكمه  
استینافیدن و یریلان قرار عند التمییز نقض  
اولنمش و بوضورتله اخیراً وقوعبولان محاکمه  
و تدقیقاندن یکیدن کشف اجراسی احکام  
قانونیه دن بولنمش اولسنه مبنی اعتراضات  
واقعه نك موافق قانون اولدینی بیانندن عبارت  
بولنمشدر

ایجابی لدی المذاکره تمیزی طلب اولنان  
اعلام مذکورک نتیجه حکمی مزبوره عایشه منیره  
خانمک فری کوینده متصرفه اولدینی اراضیدن  
بشسیوز یتمش اوج ذراع محله صو شرکتی  
طرفندن انشا قلنان دپونک قیمتی ارضك قیمتندن  
زیاده اولدینی کبی مذکور اراضینك هر ذراع  
معماریسنك قیمتی یگرمی بشر غروشدن عبارت  
بولدینی اخیراً عند الاستیناف اجرا قلنان  
کشف و تحقیقات ایله تبیین ایش اولدیغندن صو  
شرکتی طرفندن غصب اولنان محرز المقدار  
اراضینك قیمتی بولنان اون درتیک اوچیوز  
یگرمی بش غروشك محله نك طقوز یوز نتیجی  
ماده سی موجبجه شرکت مذکورده دن تحصیلیه

مزبوره عایشه منیره خانمه اعطاسنه حکمندن  
عبارت اولسنه نظراً حکم مذکور اسباب  
موجبیه مستند و اصول و قانونه موافق و معاون  
مومی الیهك مطالعه سی دخی نفس الامر مطابق  
اولوب مستدعی تمیزی شرکت مذکور ره رکلی  
مریم قولی اقدینك لایحه سنده محرز اعتراضیه  
سائر اعتراضلری حکم مزبورک تقضی مستلزم  
اسباب قانونیه دن کوریه مدیکنه بناء اعتراضات  
مبحوث عنهانك ردیه اصول محاکمه حقیقه  
قانوننك ایکوز اوتوز برنجی ماده سی حکمه  
توفیقاً اعلام مذکورک تصدیقنه و میز علیها عایشه  
منیره خانمک بیقدرت بولنسنندن ناشی صورت  
و تبلیغ خرجلرندن معاف طوتیه رق زبرده  
مفرداتی مرقم ایکوز سکسان اوج بحق غرون  
مصارف سائر نك مستدعی تمیزی شرکت  
مذکوریه رجوع ایتک اوزره اول امره  
کندوسندن اخذ و استیفاسنه ۱۰ مایس سنه  
۳۱۰ تاریخنده متفقاً قرار و یریه رک تفهیم  
قلندی .



عینابك ترلای عتیق محله سنده ساکن  
بهمه جی زاده محمد سلیم و قره برون قریه سنده  
مقیم زراعندن علی رضا اقدیلر ایله عینابك  
قرب زنجیرلی محله سی اها لیسندن و یرکو کاتبی  
ابراهیم حیرت اقدی بیئنده محدث دعوایه دائر  
عیناب بدایت محکمه سنندن ۱۹ تموز سنه ۳۱۳  
تاریخی و یگرمی بش عددی ایله و یریلان اعلام  
مرقومان محمد سلیم و علی رضا اقدیلر جانپندن  
تمیزی ایدلکله اعلام مذکور طرفینك اعتراض  
و جواب لایحه لر یله بالمطالعنه تدقیقات تمیزی  
اجراسنه ابتدار اولندی

اعلام مذکورک خلاصه مآلی مومی ایله  
ابراهیم حیرت اقدینك مذکور قرب زنجیرلی  
محله سنده کأن معلوم الحدود بر باب خانه نك  
ثلثان حصه سی کندوسنك و دیگر ثلث حصه سی  
دخی مومی ایله علی رضا اقدینك ملکی بولنمش  
کندوسی مذکور ثلثان حصه نك دخی یاریسنی  
مومی ایله علی رضا اقدییه مصارف تعمیریه  
مقابل اعطا ایدوب اولوجهله مذکور خانه  
نصفیت اوزره متصرف اولمق اوزره بیلرنده  
عقد صلح وقوعبولمش وشو حالده مذکور خانه  
ایله محتسده کأن ایکی باب دکانه مومی ایله ایله

بروجه مناصفه متصرف بولنمش ایکن مومی ایله  
علی رضا اقدی مذکور خانه نك تمامی الی عدد  
لیرای عثمانی ثمن مقابلنده مزبور محمد سلیم اقدییه  
وفاء بیع ایش ایسه ده بوبابده کندوسنك  
اذن و اجازتی اولدیغندن نصف خانه و دکانلرک  
کندوسنه تسلیمی و مذکور خانه معدلاستقلال  
اولدینی جهته نصف حصه سنك ایجار سنویسی  
اولان دردر یوز غروشدن اون برسنه نك درتیک  
درتیوز غروش اجر مثلنك مدعی علیهمادن  
تحصیلنی عیناب بدایت محکمه سنده طلب و دعوی  
ایتمسنه قارشو مدعی علیهمادن علی رضا اقدی  
دخی منازع فیه خانه نك ایکی ثلثی کندوسنك  
وبر ثلثی دخی پدری مدعی مومی الیهك ملکی  
ایسه ده پدری ذمتنده مصارف تعمیریه دن باسنده  
ایکییک غروش اله جنی اولدینی جهته پدری  
مومی ایله مبلغ مذکور ایضا ایلدیکی حالده  
ذکر اولنان ثلث حصه به تصرف ایده بیلسی  
بیلرنده جریان ایدن مقاوله اقتضاسندن اولوب  
بوبابده صلح مسبوق اولدیغنی بیان و انبا و دیگر  
مدعی علیه محمد سلیم اقدی دخی منازع فیه  
خانه بی تاریخندن ایکی سنه اقدم الی عدد لیرای  
عثمانی ثمن مقابلنده مومی ایله علی رضا اقدی  
کندوسنه وفاء بیع ایدوب بیع واقعی مومی ایله

مومی الیه ابراهیم حیرت افندی دخی مجیز اولدینغی  
مدافعة افاده و تدکار ایتلمی اوزرینه محکمه جه  
صلحک اثباتی لزومی قرار کیر اولدقدن ومدعی  
مومی الیه دخی بوبابده کی شهودینی اقامه واستماع  
ایتدکن صکره اکیال محاکمه ضمنده تعیین قلنان  
کونده مدعی علیهما محمد سلیم و علی رضا افندیلرک  
دعوت واقعیه عدم اجابتلرینه منی وکیل مسخر  
حضور یله جریان ایدن محاکمه و تدقیقات  
نتیجه سنده مومی الیه ابراهیم حیرت افندی منازع  
فیه خانه ودکانلرک مدعی علیه علی رضا افندی  
ایله مناصفة تصرفلرینه دار بینلرنده عقد صلح  
واقع اولدینغی مدعی جانبندن اقامه اولنان  
ولدی ترکیه عدالتلری تحقیق ایدن شهودک  
شهادتلر یله ثابت اولدینغدن مجله نک بیک بشیوز  
اللی التبحی و بیک سکزیوز اون سکزینجی  
ماده لری موجب منازع فیه خانه ایله تحتده کی  
ایکی باب دکانک نصف حصه لرینه مدعی علیهمانک  
واقع اولان مداخله لرینک منعه و مومی الیه  
علی رضا افندی ایله محمد سلیم افندی بیننده کی  
بیع بالوفا معامله سنک انجق مومی الیه علی رضا  
افندیکن حصه سنه تعلق ایدوب بیع بالوفا دخی  
رهن حکمنده اولسنه و حصه مذکوره ایسه  
مشاع اولوب مشاعک رهنی ایسه جاز اولماسنه

بناء اولسایده کی بیع بالوفا نک دخی قسطنیه  
ومومی الیه محمد سلیم افندیکن بیع بالوفا ضمنده  
یرمش اولدینغی اچقی مومی الیه علی رضا  
افندیکن طلبده مختار بولسنه و اجرت بختنه  
کلجه منازع فیه عقار هر قدر معدلاستقلال  
ایسهده تاویل ملک صورتیله استعمال یدلمش  
اولسنه منی اجرت مطالبه سنه مدعیکن حتی  
اولدینغه مجله نک بیک سکسان اوچنجی ماده سی  
موجبجه مذکور خانه قابل قسمت اولدینغی  
جهتله زماناً مهایه اجراسنه و تحتده کی دانلرک  
دخی مناصفة تقسیمه حکمدن و مستدعی تمیزلرک  
اشبو اعلام علیهنده لایحه لرنده محرر اعتراضینک  
باشلوجه سی منازع فیه خانه نک تعمیراته سرف  
اولنان مبالغدن طولای مذکور خانه بیع بالوفا  
صورتیله مرهون بولدینغی و مدعی مومی الیه  
ابراهیم حیرت افندیکن دخی بوبابده اذن اجازتی  
منضم اولدینغی حالده اخیراً مومی الیهک وقوع  
بولان ادعای اوزرینه بیع بالوفا معامله سنک  
کأن لم یکن حکمنده عد ایدلمی و دعوی تقاره  
متعلق بولتمش ایکن ذی الیدلکک بالینه ثبات  
ایتدیرلما سی و شهودک شهادتلرنده اختلاف  
کورلمش ایکن بوجهت نظر دفته النیه رقی شهادت  
واقع سنک قبول ایدلمی و خصوصیه معابه

خانه ودکانلر حقننده تقسیم و مهایه اجراسی طلب  
و دعوی اولتماش ایکن مهایه تقسیم اجراسنه  
قرار یرلمی یولسنز و مغایر اصول و قانون  
بولتمش اولدینغدن مجله اعلامک تقضی  
استداسندن و مدعی علیه ابراهیم حیرت افندیکن  
لایحه سنده مندرج نتیجه اجوبه سی دخی حکم  
واقع موافق اصول و قانون ایدوکی بیانیه  
اعتراضات مسروده نک ردی و اعلامک تصدیق  
طلبندن عبارت بولتمشدر

ایجابی مذاکره اولدقدن اعلام مذکورک  
منازع فیه خانه ودکانلرده کی مدعی ابراهیم حیرت  
افندیکن نصف حصه لرینه مدعی علیهمانک منع  
مداخله سنه و اجرتک عدم لزومنه دار اولان  
جهت حکمی سی موافق اصول و قانون اولدینغدن  
تصدیقته و مومی الیه ابراهیم حیرت افندیکن محکمه  
مذکوره یه اعطا ایلدیکی استدعاده اجرای  
مهایه سیله دکانلرک تقسیمه دار برکونه صراحت  
اولدینغدن و بلا استدعا بر خصوصک تحت حکمه  
النمی مغایر قانون ایدوکنندن اصول محاکمه  
حقوقیه قانوننک اکیوز اوتوز ایکنجی ماده سی  
موجبجه اعلام مذکورک یالکز مهایه و تقسیمه  
دار اولان جهت حکمی سنک تقضنه و قانون  
مزبورک اکیوز قرق بشنجی ماده سی حکمنه

توفیقاً جهت منقوضه نک اعلامه ربطی ضمنده  
محکمه مذکوره یه اعاده سنه وزیرده مفرداتی مرتقم  
اوچوز طقسان اوچ بچق غروش مصارف  
تمیزیه نک ایلروده حقسنز چقه جق طرفه رجوع  
ایتمک اوزره اول امرده مستدعیلر دن اخذینه  
۲۵ شباط سنه ۳۱۳ تاریخنده متفقاً قرار  
یرلدی .

ممن قصبه سنک غیبی محله سنده مقیم حاجی  
باقی زاده قانی علی افندی و همشیره سی عایشه  
خاتون و میر علم قریه سی اهلایسنندن عارف اغا  
وحاجی عثمان زوجه سی امینه خاتون ایله قصبه  
مذکوره نک سید علی محله سنده ساکن شیخ زاده  
محمد ندیم افندیلر بیننده متحدث دعوا یه دار  
آیدین استیناف محکمه سنندن ۹ حزیران سنه  
۳۱۳ تاریخی و اوتوز یدنی عددی ایله یریلان  
اعلام مومی الیه علی افندی و رفقاسی طرفلرندن  
تمیز ایدلمش اولغله اعلام مذکورک اصراری  
متضمن اولدینغی جهتله هیئت عمومی جه موقع  
مذاکره یه قونیله رق اصرار واقعک اسباب

زائده به مبتنی اولدینی اکلایمغله اساس دعوانک  
تدقیق حقوق دائره سنه عاقد اولدینی قرار کیر  
اولسنه بناء اعلام مذکور دائره مذکوره چه  
بالکنز مستدعیلرک اعتراض لایحه سبله بالمطالعه  
تدقیقات تمیزیه اجراسنه ابصار قلندی

اعلام مذکورک خلاصه مائی مومی الیه  
محمد ندیم اقدینک پدری متوفی مصطفی اقدینک  
حال حیاتده متوفاه همشیره سی طوطی خاتون  
ایله میانه لرنده تکون ایتمش اولان میراث  
دعواسنک بالکنز محاکمه و محاصمه سنه توکیل  
ایتدیکی کیغورق نام کسنه مزبوره ایله اون  
بشبیکی غروش اوزرینه فضولی عقد صلح  
ایتدیکی کبی طقوز قطعه ترلا ایله بر قطعه  
یایلاقخانه سنی دخی بدل صلح مقابلنده مزبوره  
طوطی خاتونه فراغ ایتدیکندن والیوم مذکور  
ترلالر ایله یایلاقخانه به اخیراً وفات ایتمش اولان  
مزبوره طوطی خاتونک ورثه سی مومی الیه علی  
اقدی ورققاسی طرفلرندن مداخله اولدیغندن بحثله  
منع مداخله لرینی بدایه طلب وادعا ایتمسه قارشو  
مدعی علیهم جانبندن دخی وکیل مومی الیهک  
مذکور ترلالری فراغه وکالتی اولدینی حقسنده  
درمیان اولسان مدافعه نک اثباتی ضمنده ابراز

ایدیلان اوراقی دفع واقعی اثباته دلیل کافی  
اولدینی جهتله صورت آخرله اثبات مدعا  
اولنسنه دائر استینافاً و پریلان اعلامک تصدیقی  
حاوی تمیزاً صادر اولان اعلام علیهنده مزبور  
علی اقدی ورققاسی جانبندن اعطا قلنان تصحیح  
قرار عرضحالی اوزرینه اعلام مذکور بالتدقیق  
اراضی منازع فیهانک بدل صلح اوله رق فراغده  
متوفای مزبور مصطفی اقدینک بالاصاله تقریه  
ویرمش اولسی صلح واقعه اجازتی تضمن ایدمجه  
درکار ایکن محکمه استینافیه چه بوراسنک نظر  
اعتباره المقسزین حکم ایدلمسندن طولایی مقدمه  
عند التمییز تقض واعاد اولنسی اوزرینه محکمه  
مذکوره چه بتکرار اجرا قلنان محاکمه و تدقیقات  
نتیجه سنده مومی الیه علی رضا اقدی ورققاسنک  
مورته لری مزبوره طوطی خاتون ایله مومی الیه  
محمد ندیم اقدی پیننده متکون میراث دعواسندن  
طولایی مصلحون توسطیله منازع فیه طقوز قطعه  
اراضی ویر قطعه یایلاقخانه بدل صلح اوله رق  
مورته لری طرفندن قبول اولنهرق متوفای  
مزبور مصطفی اقدی طرفندن وکیلی کیغورق  
حاضر اولدقلری حالده مأموری حضورنده  
فراغی تقریر ایدلیدیکی و بناء علیه مورته لرینه  
تصرفی حاوی طابو سندلری ویرلیدیکی و مذکور

سندلرده محکمه تمیزده محفوظ بولندیغندن  
قیدلرینک محلی دفترخاقانی مأمورندن استفساریله  
خصملرینک مدعا به عقاراته مداخله سنک منعی  
و منقوض اعلامه مستنداً وقوع بولان اجرانک  
حکمسزلکیکه اعاده سنی طلب و درمیان ایتکده  
ایسده اول و آخر سبق ایدن محاکمده فراغک  
وکیل کیغورق اقدینک تقریری اوزرینه اجرا  
ایدلیدیکی و بوکا کیغورق اقدی مأذون بولندیغنی  
بیان وادعا و افاده سنده اصرار ایده کلمکده ایکن  
بوکره دونوبده فراغ مذکورک اصیل متوفای  
مومی الیه طرفندن اعطا و اجرا ایدلیدیکنک  
افاده وادعا اولنسی شایان التفات اولمامغله برابر  
بدایه بوکبی برادعا سبق ایتمامکله عند الاستیناف  
درمیانی جائز و مسموع اولیه جفته و تاریخ تقریرده  
مومی الیه مصطفی اقدینک محل تقریر اولان  
منمنده بولنمیوب لاجل المصلحه مقتیساده بولندیغنی  
مبرز شهادتنامه ایله ثابت اولدیغنه و اعلام سابقده  
مفصلاً بیان اولندیغنی اوزره مستأنف علیه  
مومی الیه محمود ندیم اقدینک انکارینه مقارن  
مستأنفلر مرقوم کیغورق اقدینک فراغه وکالت  
و مأذونیتی اثباتدن اظهار عجزله طالب تحلیف  
اولاملرینه و مومی الیهک اجرای تحلیفنه  
مجبوریت قانونیه کورلمدیکنه و اصول مشروحه به

کوره محکمه تمیزده محفوظ اولدینی بیان اولنان  
سندات قیدینک استفسار و تدقیقنه محل اولدیغنه  
وصغیر دنیلان مصطفانک یکریمی ایکی یاشنبده  
اولدینی ابراز اولنان نفوس قیدیه نمایان ومدعی  
عمومینک محکمه ده وجودینه و مطالعه سنک  
استفسارینه حاجت مس ایتمیه جکنه و اعلام سابق  
مذکورده تفصیل و توضیح ایدیلان اسباب سائره  
قانونیه به بناء مجله نک بیک سکز یوز اون  
سکزنجی و بیک سکز یوز اون طقوزنجی  
واوچوز التمش بشجی و اوچوز یتمش سکزنجی  
واراضی قانوننامه هایوننک قرق اوچجی  
موادینه توفیقاً بدایه مدعی علیهم بولنان مستأنف  
ورثه مرقومه نک ذکر اولنان اراضیلرله  
یایلاقخانه دن منع مداخله لرینه حکمدن و مستدعی  
تمیزلرک اشبو اعلام علیهنده لایحه لرنده محرر  
اعتراضلرینک باشلوجه سی اراضی منازع فیهانک  
بدل صلح اوله رق متوفای مومی الیه طرفندن  
ویرلیدیکی کبی فراغک تقریرینی دخی بالاصاله  
اجرا ایدلیدیکی حقسنده اول و آخر درمیان  
ایدلکلری اعتراض و مدافعه لرینک محکمه چه نظر  
اعتباره الخامسی و اتنای محاکمده خصم طرفندن  
ابراز اولنان شهادتنامه نک صدق مدعالرینه دلیل  
کافی اولدینی حالده بوراسنه دخی دقت اولنقسزین

برمنوال محرر حکم اولنسی مغایر قانون اولدیغندن  
بجمله اعلام مذکورک نقضی استدعاسندن عبارت  
بولمشدر

ایجابی مذاکره اولدوقده اعلام مذکور  
مآلندن مستفاد اولدیغی اوزره منازع فیه  
اراضینک فراغی وکیل طرفندن اجرا ایدلیوب  
مؤکل طرفندن اجرا ایدلیکنک تحقق ایتسی  
حاکمه نتیجه سی اولوب تناقض دعوایی موجب  
اولیه جفته کوره محکمه مذکورجه بوجهتک  
تدقیق ورؤتی لازم کلور ایکن بنایه درمیان  
ایدلامسی جهتیه استینافاً تدقیقندن صرف نظر  
اولنسی یولسز و مغایر قانون اولدیغنه  
ومستدعیرک بوجهته متدار اعتراضاتی موافق  
نفس الامر کورلدیکنه بناءً اصول محاکمه  
حقوقیه قانونک ایکوز اوتوز ایکنجی وایکیوز  
قرق برنجی ماده لری موجبجه اعلام مذکورک  
تفضیله قانون مزبورک ایکوز قرق دردنجی  
ماده سی حکمنه توفیقاً کیفیتک بالرؤیه اعلامه  
ربطی ضمننده محکمه مذکوریه اعاده سنه وزیرده  
مفرداتی مرقم ایکوز طقسان اوچ بچق غروش  
مصارف تمیزیه نک ایلروده حقسز چقه جق  
طرفه رجوع ایتک اوزره اول امرده مستدعیردن

السنه ۳ ایلول سنه ۳۱۴ تاریخنده متفقاً قرار  
ویرلدی .

اعلان

اوچوز اون درت سنه سی نینسانک یرمی  
ایکنجی کیجه سی طاطاوله ده ساعتی زقننده  
یورکی بی جرح وقتل ایلدیکی ادعاسیله منون  
علیه اولان اوزون بویلی الاکوزلی چچک  
بوزوغی سیرک وقرال بیقلی واسمر بکزلی ونان  
دولتی تبعه سندن نیقوله ولد فوهه رینونک نرار  
ایتمسندن وحقنده اجرا اولنان تحقیقات اوزرینه  
هیئت اتهامیه دن جنایتله اتهامه قرار ویرلسندن  
ناشی اصول محاکمات جزایه قانونک اوچوز  
یتیمش برنجی ماده سی موجبجه معامله مقتضیا ایفا  
ومحاکمه غیاییه سی بالاجرا قانون جزانک بوز  
یتیمش دردنجی ماده سنک فقره اولیسنه توفیقاً  
اون بش سنه مدته کورکه قونلسنه واوز  
برنجی ماده قانونیه منطوقجه حقوق مدیندن  
اسقاطیه اموالک حجزیه محکمه جنایتدن حکم

اولنمش و ذکر اولنان اصول محاکمات جزایه  
قانونک اوچوز یتیمش برنجی و اوچوز یتیمش  
سکزنجی و اوچوز سکسان برنجی ماده لر یله  
مواد ساره سی احکامنه توفیق معامله اولنسی  
مرجعنه بیلدیرلش اولغله اعلان کیفیته ابتدار  
قلندی .

۳ صفر سنه ۳۱۷

۳۱ مایس سنه ۳۱۵

صلاح بر باب اخوری حاوی وشهری یوز  
سکسان غروش ایجار کتور یر مکرر اون بش  
نومرولی بر باب میکه تمامک اون بش کون صکره  
بالمزایده فروخته تشبث اولنه جنی در سعادت  
اعلامات نظامیه اجرا داره سندن اعلان اولنور .

۲۲ مایس سنه ۳۱۵

بقال بدوسک الیساویدی قادین ذمتده  
با اعلام الهجنی بولنان مبالغت تأمین استیفاسی  
ضمننده تحت حجزه الثان اسکدارده خیر الدین  
چاوش محله سنده طوطاشی جاده سنده برطرفی  
سلیم پاشا جاده سی وبرطرفی سودجی خرستونک  
دکانی وبرطرفی شکرچی یورکینک دکانی و طرف  
رابعی طریق عام ایله محدود ایکی اوطنه وبر  
صوفه وبر ابدستانه وبر کارگیر مغازه ومطبخی  
حاوی ایکوز یتیمش بر نومرولی بقال دکاننده  
یوز یرمی سهم اعتباریله متصرفه اولدیغی اون  
سهم حصه شایعه سی تاریخ اعلاندن اعتباراً اون  
بش کون صکره بالمزایده فروخته مبادرت

قره کین و قره بت و اغیا اغارک کیر قوریا پاسیان  
افندی به و متوفی احمد فوزی بک ایسان اولان  
دیوانتک تسویه سیچون طویخانده قلیج علی پاشا  
جاده سنده یوز التمش بر و یوز التمش اوج و یوز  
التمش بش نومرولریله مرقم اولوب یکدیگرینه  
متصل علی انخمین بشیوز زراع عتیق عرصه  
اوزرینه مبنی فوقلرنده برر کیر سالون وارقه  
طرفلرنده برر مقدار اچیقلق و مشتملات سره بی  
حاوی شهری طقوز عدد عثمانلی لیراسی ایجار  
کتورر اوج باب کارکیر دکان کدکنک یوز  
یکرمی سکز سهم اعتباریله الی ایکی سهم  
حصه سی تاریخ اعلاندن اون بش کون صکره  
موقع مزایده به قونیه جغندن اشتراسنه مالی  
اولانلرک ودها زیاده معلومات المق ایستیانلرک  
محکمه تجارت اجرا دائره سنه مراجعت ایلمری  
دائرة مذکورهدن اعلان اولنور .

۷ حزیران سنه ۳۱۵

اولنه جنی اسکدار بدایت محکمه سی اجرا دائره سنندن  
اعلان اولنور .

۲۹ مایس سنه ۳۱۵

یورکینک کیریاقویه با اعلام محکوم به دینی  
اولان معلوم المقدار مبالغک تأمین استیفاسی  
ضمنده مدیون مرقومک بک اوغلنده قارناوله  
زقاغنده کائن ۳۴ نومرولی کارکیر بر باب  
خانه سیله تحتده واقع دکانی لدی المزایده اون  
درتیک غروش التون اچه بدل ایله طالبی  
عهده سنده تقرر ایتمش اولغله تاریخ اعلاندن  
اعتباراً او توز برکون ظرفنده یوزده بش ضمیمه  
طالب اولانلرک بک اوغلی بدایت محکمه سی اجرا  
دائرة سنه مراجعت ایلمری و او توز برنجی کونی  
دخی قرار داده قطعیسی کشیده اولنمق اوزره  
خانه مذکور پیشکاهنده حاضر بولنملری اعلان  
اولنور .

۲۹ مایس سنه ۳۱۵